



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



Número 129 /2022

CONVENIO DE COOPERACIÓN ENTRE A DEPUTACIÓN PROVINCIAL DA CORUÑA E O CONCELLO DE CARBALLO PARA A EXECUCIÓN E FINANCIACION DAS OBRAS DE MELLORAS NA ESTRADA DP -1901 CARBALLO A SÍSAMO, FASE III E ULTERIOR CESIÓN DAS OBRAS E DA ESTRADA AO CONCELLO DE CARBALLO.

Na Coruña, a 22 de decembro de 2022

Ante mín, Miguel Iglesias Martínez, Secretario Accidental da Deputación Provincial da Coruña, como fedatario actuante.

REUNIDOS

Dunha parte, D. Valentín González Formoso , Presidente da Deputación Provincial da Coruña.

E doutra parte D. Evencio Ferrero Rodríguez, Alcalde- Presidente do Concello de Carballo.

Os comparecentes interveñen en uso das potestades que, por razón dos seus cargos, estanlles atribuídas

MANIFESTAN

O tramo da Estrada Provincial DP-1901, experimenta unha alta densidade de tráfico e precisa obras de ampliación e mellora da estrada, tanto nos firmes e pavimento como no mobiliario urbano para mellorar a seguridade viaria así como para dotar aos terreos da urbanización necesaria, para mellorar a calidade dos servizos a prestar aos cidadáns.

O Concello de Carballo, en coordinación coa Deputación, redactou o proxecto de “Melloras na estrada DP -1901 Carballo a Sísamo, Fase III”

As obras consistirán na vialidade e servizos necesarios para dotar aos terreos da urbanización necesaria, é dicir: Abastecemento de auga, saneamento (fecais), saneamento (pluviais), infraestrutura de enerxía eléctrica (Media e Baixa Tensión), alumado público, rede de Telecomunicacións (Telefonía e Cable), dotación de firmes e pavimentos, mobiliario urbán.

O 29 de novembro de 2022, o Servizo de Vías e Obras presenta informe favorable sobre a viabilidade desta proposta, a efectos da súa inclusión na décima fase do Plan de Vías Provinciais 2022 polo que respecta ás obras provinciais.

A execución das obras incluídas no proxecto precisan a tramitación do correspondente expediente de expropiación, como trámite previo á contratación das mesmas.

A Deputación Provincial e o Concello de Carballo consideran necesario coordinar a súas actuacións para executar as obras incluídas en dito proxecto, pois desta maneira poderíanse executar simultaneamente as obras de competencia provincial e as obras de competencia municipal relativas aos servizos, optimizando custos, simplificando a execución e reducindo os tempos de execución, tramitándose a cesión da titularidade da estrada ao Concello de Carballo para o seu ulterior mantemento e conservación.

Por todo o exposto, as partes:

A C O R D A N

Formalizar o presente Convenio de Cooperación conforme ás seguintes cláusulas:

I.- OBXECTO

O presente Convenio ten por obxecto **coordinar as actuacións** entre a Deputación Provincial da Coruña e o Concello de Carballo con CIF P1501900C, para a execución da obra “Melloras na estrada DP -1901 Carballo a Sísamo, Fase III” Pk 0+802,50 a Pk 2+670 redactado por José Manuel Facal Fariña e David Piña Villar en data Novembro 2022, e ulterior cesión da estrada DP 1901 ao Concello de Carballo.

II.- PROXECTO E PERMISOS

A Deputación da Coruña tramitará a inclusión do proxecto no Plan de Vías Provinciais 2022 décima fase polo que respecta ás obras de titularidade provincial.

O Concello de Carballo aprobará igualmente o proxecto polo que respecta ás obras de titularidade municipal.

O Concello de Carballo tramitará as correspondentes autorizacións da Dirección Xeral de Patrimonio Cultural da Xunta de Galicia, Augas de Galicia e demais que correspondan.

III.- EXPROPIACIÓNS

Unha vez aprobado o proxecto e tendo en conta que o proxecto contempla actuacións que conlevan a expropiación de terreos, ao non existir dispoñibilidade, a Deputación tramitará o correspondente expediente de expropiación e aboará os xustiprezos que procedan, unha vez aprobado definitivamente o Plan de Vías Provinciais décima fase, onde se inclúe este proxecto.



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



IV.- CAMBIO DA TITULARIDADE DA ESTRADA

A Deputación comprométese a tramitar o cambio de titularidade da estrada DP 1901 a favor do Concello de Carballo unha vez executadas as obras

Así mesmo, o Concello de Carballo comprométese a tramitar a aceptación da cesión da citada estrada

Os acordos de cesión por parte da Deputación e aceptación da estrada por parte do Concello de Carballo xurdirán efecto unha vez que a Xunta de Galicia aprobe a devandita transferencia e se formalice a correspondente acta de entrega, que conlevará a baixa no inventario da Deputación e no catálogo provincial de estradas.

V.- CONTRATACIÓN DAS OBRAS

V.1. Delegación da Contratación

A Deputación da Coruña comprométese a tramitar a delegación da contratación das obras incluídas no proxecto de “Melloras na estrada DP -1901 Carballo a Sísamo, Fase III” Pk 0+802,50 a Pk 2+670 no Concello de Carballo simultaneamente á aprobación do proxecto

O Concello de Carballo comprométese a tramitar a aceptación da delegación para contratar.

V.2. Prego de cláusulas administrativas

O Concello de Carballo, unha vez aprobado polo órgano competente e formalizado o presente convenio, e conte cos terreos e as autorizacións pertinentes, contratará, mediante procedemento aberto e con arranxo aos pregos tipo da Deputación Provincial da Coruña, a execución das obras incluídas no proxecto, á fin de que a súa execución se realice de maneira coordinada e así optimizar custos, simplificar a súa execución e reducir tempos de execución.

V.3. Comité de expertos

No caso de o procedemento de contratación esixa a constitución de comité de expertos para emitir o informe sobre os criterios de adxudicación avaliábles mediante xuízo de valor, formará parte do mesmo un técnico designado pola Deputación.

V.4. Adxudicación e formalización

O Concello de Carballo notificará á Deputación a adxudicación e formalización do contrato nun prazo de cinco días hábiles, a contar dende cada un dos actos.

VI.- CODIRECCIÓN DAS OBRAS

A codirección das obras corresponderá por unha parte ao Concello de Carballo, ben mediante medios propios ou mediante o correspondente contrato de servizos de dirección, e aboará no seu caso os gastos que correspondan.

Por outra parte a codirección por parte da Deputación se realizará polo Servizo de Vías e Obras, non xerando polo tanto gastos neste concepto.

VII.- SEGURIDADE E SAÚDE

A Deputación, dentro do contrato de coordinación de seguridade e saúde vixente, adxudicará os servizos de seguridade e saúde e aboará os gastos que correspondan que unha vez aprobada a certificación final das obras se repercutirán ao Concello de Carballo na parte proporcional en base á porcentaxe que se indica na cláusula XI apartado III.

A Deputación, no prazo máximo de 5 días hábiles a contar dende a adxudicación notificará ao Concello de Carballo a adxudicación deste contrato.

No entanto, o Concello de Carballo aprobará o correspondente plan de seguridade e saúde, previo informe do coordinador.

VIII.- CONTROL DE CALIDADE

A Deputación, dentro do contrato de coordinación do control de calidade vixente, adxudicará os servizos de control de calidade e aboará os gastos que correspondan que unha vez aprobada a certificación final das obras se repercutirán ao Concello de Carballo na parte proporcional en base á porcentaxe que se indica na cláusula XI apartado III.

A Deputación, no prazo máximo de 5 días hábiles a contar dende a adxudicación notificará ao Concello de Carballo a adxudicación deste contrato.

IX.- INICIO DAS OBRAS E COMPROBACIÓN DO REPLANTEO

Ao acto de comprobación do replanteo asistirá un técnico designado pola Deputación Provincial da Coruña.

A estes efectos o Concello de Carballo notificará ao Servizo de Vías e Obras da Deputación a data de comprobación do replanteo con cinco días hábiles de antelación.

X.- ORZAMENTO DE EXECUCIÓN DAS OBRAS.

Os orzamento de execución da obra é o seguinte:

proxecto DP 1901 CARBALLO A SÍSAMO. MELLORAS NA ESTRADA, FASE III, cun importe total de 2.279.527,63 euros, que se desglosan nunha parte que será obxecto de financiamento por parte da Deputación Provincial incluíndose na Décima Parte do Plan de Vías Provinciais 2022, e os incluídos no proxecto de carácter municipal polo importe de 639.482,57 euros, con arraxo ao seguinte desglose:



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



Proxecto completo		Obra Deputación	Porcentaxe Deputación	Obra Concello	Porcentaxe Concello		
P.E.M.	1.583.115,24	1.138.999,28		444.115,96		P.E.M.	
G. Xerais	205.804,98	148.069,91		57.735,07		G. Xerais	
B. Industrial	94.986,91	68.339,95		26.646,96		B. Industrial	
Valor estimado	1.883.907,13	1.355.409,14		528.497,99		Valor estimado	
IVE	395.620,50	284.635,92		110.984,58		IVE	
Presup. Base licit.	2.279.527,63	1.640.045,06	71,95 %	639.482,57	28,05%	Presup. Base licit.	

XI.- FINANCIAMENTO

XI.I.- Obras

- As obras obxecto de aprobación a incluír no Plan de Inversión en Vías Provinciais 2022 Décima Fase, e que serán **financiadas pola Deputación**, son as que se detallan a continuación.

CÓDIGO	DENOMINACION	CONCELLO	PRESUPOSTO	FINANCIACIÓN	EXPROPIACIÓNS
2022.1110.0012.0	DP 1901 CARBALLO A SÍSAMO. MELLORAS NA ESTRADA, FASE III	CARBALLO	1.640.045,06 €	100% DEPUTACIÓN	116.835,70 €

- As obras que serán **financiadas polo Concello de Carballo** son as seguintes:

CÓDIGO	DENOMINACION	CONCELLO	PRESUPOSTO
2022.7490.0002.0	SERVICIOS MUNICIPAIS INCLUIDOS NO PROXECTO DP 1901 CARBALLO A SÍSAMO. MELLORAS NA ESTRADA, FASE III	CARBALLO	639.482,57 €

OBRAS DE COMPETENCIA MUNICIPAL		
Capítulo	Concepto	Importe
3	Servizos urbanos municipais	424.757,16 €
6	Mobiliario Urbano e xardinería	16.124,28 €
10	Seguridade e saúde (parte proporcional 28,05%)	3.234,52 €

TOTAL PEM	444.115,96 €
Total Valor Estimado Obras municipales (sin IVA)	528.497,99 €
Total Presupuesto Licitación Obras municipales	639.482,57 €

Ambas partes fan constar que no capítulo 10 do proxecto: Estudo de seguridade e saúde está incluído no proxecto por importe de 11.531,28 €, do cal corresponde á Deputación o importe de 8.296,76 € e ao Concello de Carballo 3.234,52 €

XI.II.- Expropiacións

EXPROPIACION	FINANCIACIÓN	OBSERVACIÓNS
116.835,70 €	100% DEPUTACIÓN	Calquera incremento do xustiprezo previsto(valoracións complementarias, xurado de expropiación, contencioso, intereses...), será financiado pola Deputación.

XI.III.- Coordinación de seguridade e saúde e control de calidade:

A Deputación levará a cabo, mediante medios propios ou servizos externos, a coordinación de seguridade e saúde, e o control de calidade, e asumirá, no seu caso, os gastos que deste feito deriven, repercutindo ao Concello os importes pagados por este concepto no relativo á Obra Municipal e que a continuación se desagregan:

	Coordinación de Seguridade e Saúde	Control de Calidade	FINANCIACIÓN
Deputación da Coruña	9.339,83 €	22.780,07 €	71,95%
Concello de Carballo	3.641,71 €	8.882,23 €	28,05%
TOTAL	12.981,54 €	31.662,30 €	

XI.IV.- Resumen financiamento Deputación:

CONCEPTO	IMPORTE	Porcentaxe de financiación
Expropiacións	116.835,70 €	100 %
Obras	1.640.045,06 €	71,95 %
Coordinación de seguridade e saúde	9.339,83 €	
Control de calidade	22.780,07 €	
Dirección de obra	Servizos técnicos Deputación	
TOTAL	1.789.000,66 €	

XI.V.- Resumen financiamento Concello de Carballo

CONCEPTO	IMPORTE	Porcentaxe de financiación
Expropiacións	0,00 €	0 %



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



Obras	639.482,57 €	28,05 %
Coordinación de seguridade e saúde	3.641,71 €	
Control de calidade	8.882,23 €	
Dirección de obra	Servizos técnicos concello ou medios externos	
TOTAL	652.006,51 €	

XI.VI.- Baixas

As baixas que puidese orixinar esta obra se aplicarán proporcionalmente a cada unha das institucións asinantes do presente convenio, en base ao coeficiente de financiación indicado nos apartados anteriores.

XI.VII.- Gasto plurianual

Dado que a vixencia deste convenio esténdese a exercicios futuros, a súa aprobación queda condicionada á existencia de crédito adecuado e suficiente nos exercicios orzamentarios correspondentes ao cumprimento dos obxectivos da Lei de Estabilidade Orzamentarias

O Concello de Carballo autoriza á Deputación a consultar os datos correspondentes á acreditación do cumprimento das súas obrigas tributarias e coa Seguridade Social.

XII.- PUBLICIDADE. SINALIZACIÓN:

O Concello de Carballo en todos os documentos e anuncios relacionados coa obra a que se refire o presente convenio fará constar que foi financiada pola Deputación Provincial, así como, o importe da financiación provincial.

Asimesmo, fará constar no correspondente cartel de obra, que se ubicará na estrada de forma visible, esta circunstancia

XIII.- PAGOS. CERTIFICACIÓNS DE OBRA E CONTRATOS COMPLEMENTARIOS. ABOAMENTO

XIII.I.- Certificacións de obra.

As certificacións mensuais que emita a dirección de obra serán aprobadas polo órgano de contratación do Concello de Carballo e aboadas polo devandito concello ao contratista dentro dos prazos establecidos na LCSP.

XIII.II.- Aboamento gastos seguridade e saúde e control de calidade.

A Deputación, dentro do contrato de coordinación de seguridade e saúde vixente, adxudicará os servizos de seguridade e saúde e aboará os gastos que correspondan que unha vez aprobada a certificación final das obras se repercutirán ao Concello de Carballo de acordo coa seguinte desagregación:

	Coordinación de Seguridade e Saúde	Control de Calidade	FINANCIACIÓN
Deputación da Coruña	9.339,83 €	22.780,07 €	71,95%
Concello de Carballo	3.641,71 €	8.882,23 €	28,05%
TOTAL	12.981,54 €	31.662,30 €	

XIV.- MODIFICACIÓNS:

As modificacións do contrato só se poderán realizar por razóns de interese público nos supostos previstos nos arts. 204, 205 e 242 da LCSP.

A estes efectos o órgano de contratación remitirá a Deputación o proxecto modificado a efectos da súa supervisión, detallando as modificacións que correspondan as obras de titularidade provincial e as modificacións que correspondan a obras de titularidade municipal.

O proxecto modificado será sometido a informe de Secretaría e Intervención dos dous organismos e aprobación no seu caso, dos órganos competentes de ambas entidades, requirindo a previa existencia de crédito adecuado e suficiente dos entes financiadores de acordo coa natureza das obras, que será aboadas por cadanseu organismo en base ao porcentaxe de financiación indicado.

XV.- RECEPCIÓN DA OBRA:

O Concello de Carballo notificará cunha antelación de dez días como mínimo, a data prevista da acta de recepción para que poida asistir, ademáis do codirector, un técnico da Deputación na súa condición de representante da Administración.

XVI.- CERTIFICACIÓN FINAL E LIQUIDACIÓN DAS ACHEGAS.

O Concello de Carballo aboará directamente ao contratista o importe correspondente a certificación final das obras.



DEPUTACION PROVINCIAL DA CORUÑA
SERVIZO DE PATRIMONIO E CONTRATACION



Liquidación das achegas:

- Obras

A Deputación aboará ao Concello de Carballo o importe da súa achega, unha vez emitida a certificación final, previa remisión á Deputación por parte do Concello de Carballo das correspondentes certificacións e facturas.

- Gastos de seguridade e saúde e control de calidade

O Concello de Carballo aboará á Deputación o importe dos seus gastos por estes conceptos, unha vez emitida a certificación final da obra, previa remisión por parte da Deputación ao Concello de Carballo das correspondentes facturas.

XVII.- ACTA DE ENTREGA

A Deputación Provincial, unha vez formalizada a acta de recepción das obras de “Melloras na estrada DP -1901 Carballo a Sísamo, Fase III”, e previa á aprobación por parte da Xunta da cesión da estrada, entregará ao Concello de Carballo as citadas obras e a estrada provincial DP 1901, para a súa adscrición aos servizos de titularidade municipal, a cuxos efectos **formalizarse a correspondente acta de entrega**. A partir de dita entrega o Concello farase cargo dos gastos de conservación e mantemento das citadas obras e instalacións.

XVIII.- REVISIÓN DE PREZOS:

No suposto en que proceda a revisión excepcional de prezos o Concello de Carballo remitirá a Deputación a resolución de aprobación da revisión de prezos nos cinco días seguintes a súa aprobación á Deputación para que proceda a aboar ao contratista o coeficiente de financiación correspondente previa verificación de que se cumpren os requisitos indicados na normativa de revisión de prezos e existencia de crédito adecuado e suficiente.

XIX.- CONSERVACIÓN E MANTEMENTO DA ESTRADA

O Concello de Carballo asumirá os gastos de conservación e mantemento da estrada a contar dende a formalización da acta de entrega.

XXI.- COMISIÓN DE SEGUIMIENTO

Para coordinar as actuacións derivadas da execución e aplicación do presente convenio constituirase unha comisión de seguimento formada por dous representantes por cada unha das institucións asinantes do presente convenio designados polos seus respectivos presidentes.

XXII.- CAUSAS DE RESOLUCIÓN

Serán causas de resolución o incumplimento grave das cláusulas previstas no presente convenio.

XXIII.- VIXENCIA

O presente Convenio terá vixencia dende a data da súa sinatura ata a finalización das obras e a formalización da acta de entrega da obra ao Concello, e en todo caso, ata o 31 de outubro de 2025. No entanto, dito prazo poderá prorrogarse por causas xustificadas e en especial tendo en conta o prazo de execución da obra. Todo isto condicionado á existencia de crédito adecuado e suficiente no exercicio orzamentario correspondente.

XXIV.- NATUREZA E RÉXIME XURÍDICO

O presente convenio ten natureza administrativa sendo competencia da xurisdicción contencioso-administrativa a resolución dos conflitos que poidan xurdir no cumprimento e execución do presente convenio.

No no previsto no presente convenio, será de aplicación supletoria a Lei 40/2015 de 1 de outubro de réxime xurídico do sector público e a Lei 9/2017, de 8 de novembro, de Contratos del Sector Público, por la que se transponen al ordenamiento jurídico español las Directivas del Parlamento Europeo y del Consejo 2014/23/UE y 2014/24/UE, de 26 de febrero de 2014.

E en proba de conformidade, asinan por duplicado exemplar o presente convenio, no lugar e data indicados no encabezamento.

O PRESIDENTE DA DEPUTACIÓN PROVINCIAL DA CORUÑA

O ALCALDE- PRESIDENTE DO CONCELLO DE CARBALLO

Asdo.: D. Valentín González Formoso

Asdo.: D. Evencio Ferrero Rodríguez

**O SECRETARIO ACCDTAL
DA DEPUTACIÓN PROVINCIAL DA CORUÑA**

Asdo.: Miguel Iglesias Martínez